

重修兩淮鹽法志

兩淮鹽法志卷十五

圖說門

捆運圖說

捆運各圖總說

夾漈鄭氏言圖譜之學三十有四所稱無圖有書而不可明者鹽法亦其一也鹽產於竈竈隸於場凡刈草攤灰煎鹽盤鏹及船運車運之情狀非圖無以明之故首列捆運諸圖三分司所屬二十三場次之由此以推之鄂湘西皖四岸儀棧五河正陽宜昌各卡局而以掣驗附焉

捆運各圖說目

引蕩刈草圖說

攤灰淋滷圖說

煎鹽圖說

盤鏹圖說

竈鹽船運圖說

竈鹽車運圖說

竈鹽歸垣圖說

商垣捆鹽圖說

官引過稱圖說

泰壩過掣圖說

六間鹽河圖說

南鹽廳圖說

築井鋪池圖說

厚水掃鹽圖說

商垣收買圖說


捆築裝船圖說

板浦放關圖說

凡十七圖

引蕩刈草圖







引蕩刈草圖說

煮海之利以草爲本竈蕩故皆官地給竈丁按地配引輸鹽於官名曰額蕩明萬厯開改輸鹽爲徵課仍按引起科此折價之所始范隄外除古熟陞科盡屬竈地專令蓄草供煎禁私墾及樵爨其草有紅有白白者勝而紅次之所必以時每五六月新草芳茂謂之鑽青不多斫厚其殖也草約計十束可煎鹽一桶故售草者皆以束或以煎鹽桶數論值視豐歉以低昂其價而鹽之消長隨之額蕩之外凡新蕩新淤均歸場轄

攤灰淋瀝圖







淮南縣志卷之三  
三  
攤灰淋瀝圖說

淮南之鹽瀝從土出竈丁擇瀝旺之地堅築如砥一年  
後土密瀝起遂成亭場攤灰之法必雨潤風吹望地有  
白光是其候也灰卽煎鹽之草灰每場一面攤灰百擔  
遞小遞差於天未明時攤之夏日自寅至午卽起鹽花  
春初秋末常須竟日冬則鹽花歸土必待風日連霽瀝  
氣方凝縛帚掃之或成行或成堆昇入灰池以足踐實  
灌以水池三面排列中安蘆管引水自管出卽爲白瀝  
投石連視其浮湛以試厚薄而再淋之凡白瀝禁越賣  
亭場之隸泰州分司者毗連於竈煎丁以池蓄水曰瀝

池其隸通州分司者多居海壩去竈遠以井儲滷曰滷  
井日久澁滷色逾白故通之鹽潔於泰


煎鹽圖

卷之二十一

卷之二十一

天






煎鹽圖說


鹵滿草足然後開煎男婦老幼晝夜赴棚力作候鹵氣  
始凝謂之起樓旋投阜角晶煒成鹽矣用杓以起散鹽  
用鍬以起礪片謂之直鍬當礪片未起時加以熱鹵謂  
之雙脫則鹽色潔而礪厚當起樓時加以冷鹵謂之攪  
湯則鹽色青而礪亦成塊稽煎之道設竈頭竈長專司  
火伏每煎丁起煎先赴竈長報明時刻領取火伏旗牌  
懸於竈門厯十二時爲一伏火每伏例得鹽一桶一二  
分至三四分所謂額馬是也火旣止竈頭核其時刻繳  
旗牌竈長卽以起止日時填注長單照火伏額馬檢點

鹽數填注三聯印票給煎丁裝運入垣各場額產照盤  
鍤多寡按時造報通歲以百二十日煎鹽爲率或一百  
日九十日若闕額司場者任其責焉

盤鍬圖








同治縣志卷一  
盤鏃圖說

煎鹽之具漢曰牢盆唐宋曰盤鐵厚至五六寸今各場閒有存者多殘壞不可用現煎盤鐵皆明初所鑄每盤一副中曰主鐵旁曰月鐵餘曰羣鐵或六七角或八九角

國朝又鑄新盤分給通泰各場止主鐵一月鐵二易於支搭約厚三四寸重或三千斤五千斤近年亦多損斷鏃似釜而淺卽宋之鑊子也約重百四五十斤竈丁需鏃由場大使發印照赴揚州灣頭官廠買之毋許私買無力煎丁官給其價於竈鹽入垣每一桶例扣銀五分由

保商繳官彙解盤有大小以角數計鹽鐵無大小以滴  
氣定額或單鐵或雙鐵於火伏下注之凡場產之上下  
視其鐵

竈鹽船運圖






竈鹽船運圖說

竈鹽既成竈頭竈長稽其火伏而登其數裝鹽上船各給三聯印票運入包垣有鹽無票以私鹽論單票不符以透越論惟竈有遠近或數十里百里難於隨船訶察是以竈河運船以船戶姓名編號書諸其舳竈鹽抵場關吏驗交商垣量收填寫實收之數於票以白於場司

竈鹽車運圖







龍鹽車運圖說

通屬場龍陸路居多每用牛車載運大車載鹽七八桶  
小車半之亦各給三聯印票填明鹽數隨車入垣其編  
列姓名烙印車轅一如船運之制以杜中途透越

龜鹽歸垣圖




廣東通志卷之五

風俗

市井

七



兩湖鹽法志卷之五  
三  
竈鹽歸垣圖說

竈鹽抵關先以聯票投關吏驗發商垣量收收若干填明後票仍繳關吏以核其不符者包垣之傭丁曰杌手曰忙工收買者曰歇家船戶自赴竈收買者曰撥戶司包垣者曰地戶代商在垣收買者曰掌管定例惟許商竈覲面交易故忙工地戶不在禁他皆禁焉鹽量平桶口商毋許浮收包虛竈毋許驛和礮塊入垣後篩過細者爲篩鹽麤者爲礮塊薄者爲礮片分廩堆儲廩邊開小溝以引苦澇覆以席遇晴霽忙工篩出礮片別堆之謂之礮廩凡礮片惟配食鹽江南口岸間有之篩鹽

久儲色愈潔白名曰老堆

商垣捆鹽圖






商垣捆鹽圖說

每鹽一桶計重二百斤舊制兩桶配一引五六月捆鹽  
例加耗七八月則遞減之江甘食鹽額斤雖與綱鹽不  
同仍以兩桶配引牽算光緒二年頒發官桶二十四號  
每桶容二百斤包鹽以蒲捆以草索垣商預於包垣較  
數曰打鉞外加套包曰做輦草繩四面六縛凡三十六  
花而後成引



官引過稱圖







官引過稱圖說

各垣均在海河之內既捆卽運之過壩場大使先以官稱較準上屯船至泰壩每引連包索涵耗重六百八十八斤分爲八包每包八十八斤有輕重則壩復捆之

泰壩過掣圖






國名門 日國朝元

泰壩過掣圖說

舊制淮南引鹽白場達揚設專官於壩司其掣摯泰屬鹽多凡馬浦倉浦郁浦西浦以及旗竿門樓三房諸浦隨地掣放通屬之鹽少故至南浦掣放今泰分司所屬十一場引鹽僅在倉郁西大四浦仍由泰壩官過掣後換上河屯船運赴十二圩上棧其通分司所屬九場引鹽由泰州南門外委員掣摯原船放行以達十二圩不由泰壩官過掣矣

六開臨河圖








六閘鹽河圖說

泰壩鹽船至揚舊出灣頭乾隆二十一年改從六閘一如灣頭之制船出閘時河流迅急左右閘牆設人夫逆挽而上對岸石臺建關房中設轆轤旋而絞之始無抵觸之患既出閘然後順流入運河以達於揚關今制委員二人一名提溜一名催趲餘均如舊

南鹽廳圖







南鹽廳圖說

舊制搜鹽廳在揚州缺口門外主盤查水路私鹽以及糧艘回空夾帶之弊順治十八年康熙元年先後奉旨嚴禁勒碑廳右每歲秋冬糧艘南下派員搜檢委運判一人董率之今搜鹽廳改名南鹽廳仍駐缺口門外通泰引鹽經過有正副二員掣驗又一員專查鹽色糧船回空每委候補鹽經歷大使知事充之

築井鋪池圖







築井鋪池圖說

淮北之鹽以水漬鹵每池一面先築大甌井以蓄鹵水  
凡近海之區開鹵溝一道引水爲鹵儲井內名曰鹵溝  
又名溷溝離海遠者擇鹵重之地深穿井泉名曰鹵井  
俟水滿鹵足以藤斗戽去井面淡水先將鹵於土池套  
曬再入甌池攤掃每戽水以三百六十爲數俗呼爲一  
箇水

屏水掃鹽圖







海水掃鹽圖說

海屬折價惟莞濱舊場照地起引餘皆按池起引凡鹽池一面前外土池而內甌池以甌數定產鹽之額名曰額池舊制甌長八寸寬半之額以三百甌爲一引後以甌之大小有差乃以方一丈爲一引或十丈或二十丈四旁土池曰頭道二道以至於九道每土池旁有小甌井天雨卽引滴入井蓄儲以藤斗戽大井水入頭道內漬曬再入二道次第套曬漬水成滴儲於沙格沙格者甌池旁小區也較大池小而深俟晴霽方入甌池攤曬滴面先起飄花後成鹽粒將成以竹笆埽聚逐漸成鹽入

筐瀆去苦澇歸垣收買夏日自辰至申可成鹽春秋須  
二日冬日風嚴三四日亦能成鹽名曰寒鹽商自鋪者  
曰本池丁自鋪者曰客池折價無分本客一例按引完  
納舊池揭鋪者必俟報驗方准攤曬


商垣收買圖

同治五年

卷一

三






# 商垣收買圖說


舊制淮北商垣擇池面適中之地三場總計三百九十  
六垣每年新綱各垣赴司請領垣旗一面天晴埽曬之  
日卽豎旗開廩曬丁望見垣旗卽擔鹽入垣以篋筐量  
收筐以三十斤爲準名曰制筐兩筐爲一擔本池之筐  
以九十斤爲一擔各池之筐以六十斤爲一擔入垣後例  
以十四擔配引卽本池之鹽仍以六十斤申算今制仿  
淮南官桶章程照竹筐斤重製木桶十九隻較烙頒發  
各垣准以爲筐每筐平口淨鹽五十五斤兩筐爲一擔  
每擔淨鹽一百一十斤筐價每擔制錢八十文每斤合

錢七毫二絲七忽以四擔成引以四百四十斤付捆四  
季鹽質輕重不同要之以官筐平口爲度

# 捆築裝船圖









捆築裝船圖說

每年六七月啟中河牯鹽河水足新綱引鹽開捆後各垣報捆板浦中正臨興之鹽卽在各垣捆築均用蘆蓆爲包如額赴場請發照票蓋印切角并分裝船票開行至浦關掣放鹽票不得相離贛榆沐陽食鹽卽由臨興板浦場員掣運照票引目不由壩所

板浦放關圖

看





板浦放關圖說

板浦鹽關乃三場引鹽總匯之地各引鹽抵關將照票及分裝船票呈核復蓋印切角赴關昇掣輕重有不齊者重捆之舊制由板浦達永豐壩委員掣驗今三場引鹽皆至西壩過掣歸海分司兼管其永豐壩一差由運司於候補監掣同知運判兩班中派委一員滿一年則代之

兩淮鹽法志卷十五